



19. august 2009

UKA2009/105

Inatsisartut suleriaasianni § 32 naapertorlugu aalajangiiffigisassatut siunnersuut imaattoq matumuuna saqqummiuppara:

**Kræftimik napparsimasut nappaatip paasineraniit suliaritinnissamut utaqqinerup sivilisunerpaaffilerneqarnissaannik qulakkeerinninnissamik Naalakkersuisut sulissuteqaqqullugit Inatsisartut aalajangiiffigisassaattut siunnersuut.**

(Inatsisartunut ilaasortaq Aleqa Hammond, Siumut)

### **Tungavilersuut**

Inuiaqatigiinni inuunerup erlinnartuuneranik pingaartitsisuusugut aamma napparsimasortatta isumagineqarneratigut inuunerup erlinnartuunera aallaavigalugu sulineq ersiutaassaaq.

Inuiaqatigiittut pisussaaffeqarpugut napparsimasut ikiorserneqartariaqartullu sapinngisaaq tamaat ajunngitsumik pitsaasumillu kiffartussallugit isumassussallugillu.

Ukiuni kingullerni napparsimaveqarfanni sulisussaaleqinerup kingunerisaanik ajoraluartumik napparsimasunut katsorsarneqarnissamut suliaritinnissamullu utaqqineq annikinnerulinngilaq.

Nappaassuarmik kræftimik napparsimasooq katsorsarneqarnissamik utaqqiluttortinneqarnikkut ilaatigut kingusinaareerneramik kinguneqarsinnaasarpooq. Kræftimik nappaateqartuusut sukkanerpaamik katsorsartinnissamik isumagineqarnissaq pisariaqartippaat allaalluunniit ullualuinnannguit inuunerup annaannissaanut aaliangiisuusinnaallutik.

Siumumit pingaartipparpot inuiaqatigiit peqqissut pilersissallugit aamma napparsimasortatta isumagineqarluarnerisigut peqqisseqqinnissaq sulissutigissallugu.

Kræftimik nappaateqartut suliaritipallanneqarnissaat angujumallugu ullunik ikinnerpaamik, utaqqisariaqassappata, piffissalernerneqassasoq katsorsartinneqarnissamullu tuavioernerpaamik sullissisoqarnissaanik sivikinnerpaaffiliinikkut qulakkeerinnittoqassasoq isumaqarpugut, tamaammallu naalakkersuisunut suliakkiissutigarpot tamanna angutserlugu piffissamik suliaritinnissamik ullunik utaqqiffissanik ikinnerpaaffiliinikkut qulakkeerinneqqullugit.

Siumut neriulluarpoq kræftimik nappaassuup akiorniarnernani piaarnerusumillu suliaritittarnissap aqutissiuunnissaani inatsisartut akisussaassuseqarlutik ataatsimoorfigalugu siunnersuut manna taparserumaaraat inuunernillu annaasseqataallutik.